

გზაში

№ 11

შეთავსები

~~საბავსო~~
რედაქციის
გამოცემის
პროგრესი
(№ 11 1915)


რუმორისტული
ქურნალი

ფასი 10 კაპ.

კვირა, 10 მაისი

1915 წ.

ს ა ა გ ა რ ა კ რ ს ა კ ი თ ხ ი



ხატისოვი. მაშ ეს ტალახი ბუნებრივია, არა?

მეაგურე. რა თქმა უნდა ბუნებრივია. აქვე საბურთალოზედა ვთხრით და ვზელთ ქალაქისავე წყლითა.

ხატისოვი. თქვენ ქარები იციით?

მეაგურე. ქარები როგორ არ ვიცი, ძლიერ უბერამს ხოლმე.

ხატისოვი. მე ფეხის ქარებზე მოგახსენებ. რევმატიზმის რგებს ეგ ტალახი.

მეაგურე. ღიახ, ძლიერა რგებს.

ხატისოვი. (თავისიანებს) აი ბაჭონებო, ასეთი აბანო ჩვენ ქალაქის ყოველ კუთხეში შევიძლია მოვაწყოთ.

მკითხველთა საუბრადღებოთ.

ამით ვაუწყებთ მკითხველებს, რომ შემდეგი ნომრიდან ჩვენი ქურონალი გამოვა „უშაპის მათრახის“ სასულით. ქურონალის სასულით ძეგლად გამოწვეულია გამოცემლობის მოსაზრებით და გავლენას არ იქონიებს სამსახურით და სალიტერატურო მსარეზე, რომელიც იმავე სელმძღვანელთა და თანამშრომელთა სელში რჩება.

„უშაპის მათრახი“ ეგზავნება აგრეთვე ქურონალ „მათრახის“ სელის მოძველთაგან რედ.

ვარსკვლავი

სალიტერატურო დილა.

(პაპულიარული ლექცია, წაკითხული ავტორის მიერ 3 მაისის სალიტ. დილაზე).

ბატონებო!

ე. წ. „სალიტერატურო დილა“ სახადაზე, ყვავილზე და სხვა მთარულ სენზე უფრო ძლიერ მოედო ჩვენს ქალაქს.

მისი მსხვერპლი დასახელებულ სენთა მსხვერპლზე გაცილებით დიდია, და თუ სახადიანთა და ყვავილიანთა შორის სიკვდილი ხშირია, ჩვენ დარწმუნებით შეგვიძლია ვთქვათ, რომ „სალიტერატურო დილის“ მსხვერპლთაგან ვერც ერთი ვერ გადაარჩება: ზოგი ადრე მოკვდება, ზოგი გვიან.

ავთმყოფობა განშირებული მთქნარებით იწყება სწორედ იმ წუთში, რა წუთშიაც სცენაზე ლექტორი, ან ბელეტრისტი გამოდის და ლექციის ან მოთხრობის კითხვას დაიწყებს. შემდეგ ავთმყოფი ერთი წუთით ჩასთვლემს, მაგრამ მყისვე გამოფხიზლდება და გული საშინელი დარდით აევსება, გაშტერდება და უაზროთ უტყერის ლექტორს, რომლის კითხვა „სულთათანასავით“ ეყურება; სენი ერთბაშით ვითარდება და ავთმყოფს რაღაც ზიზღი და უკეთველ ლექტორის თუ ბელეტრისტის სიძულვილი იპყრობს. ეს გრძნობა შემდეგ ისე იზრდება, რომ ავთმყოფს აღარ შეუძლია სცენაზე ცქერა და პირს იბრუნებს; ბოლოს ხმაც საშინლათ მო-

ქმედობს, ავთმყოფი დგება, სახე არეული აქვს, თვალები - ამღვრეული, შეშლილივით გარბის დარბაზიდან, გავარდება ქუჩაში და მხოლოდ მაშინ მოვა გონს, როცა რომელსამი კედელს ან სხვა რამ საგანს მიაწყდება. შემდეგ სენი ცოტათი ცხრება, ავთმყოფს ნაღვლიანობა და მწუხარება მხოლოდ მაშინ გაუხსენებს, როდესაც ბელეტრისტს ან პოეტს სადმე თვალს მოჰკრავს. ასე იტანჯება ავთმყოფი მთელ თავის ზოგჯერ მეტათ ხანგრძლივ სიცოცხლეში, ხოლო შემდეგ კვდება.

როგორც მრავალი სხვა ავთმყოფობა, „სალიტერატურო დილა“ გაზაფხულზე განვითარების უაღრეს წვერვალს აღწევს და ჩვენც, რაოდენათაც ხალხის ჯან-საღობა და კეთილმდგომარეობა ძვირათ გვიღირს, მოვალე ვართ მთელის ჩვენის ძალღონითა და ტკუა გონებით შევებრძოლოთ მას.

მხოლოდ ამ მოსაზრებამ და არა რაიმე პატივმოყვარეობამა და სახელის მოხვეჭის განზრახვამ აღძრა ჩვენში სურვილი დღევანდელ ლექციის წაკითხვისა.

ისტორიული მხარე ჩვენის ლექციის საგნისა შემდეგია:

დანამდვილებით თქმა იმისი, თუ რომელ საუკუნეში შემოვიდა საქართველოში „სალიტერატურო დილა“, ყოვლად შეუძლებელია, რადგან ეგ სახელწოდება არა სჩანს ძველ ქართულ ჰისტორიო არც ერთ ნაწარმოებში.

გარნა ეს გარემოება ჩვენ არც იმის საბუთს გვაძლევს, რომ „სალიტერატურო დილა“ ჩვენს ძველთ არ სცნობოდეს.

პირიქით, ვახუშტის ისტორიაში და აგრედვე „ქართლის ცხოვრებაშიაც“ ჩვენ ვიპოვეთ მრავალი ადგილი, რომელნიც (ამას ჩვენ გადაჭრითა და დარწმუნებით აღვიარებთ) შეიძლება შეეხებოდნენ მხოლოდ და მხოლოდ „სალიტერატურო დილას“.

„უამსა მას შემოკრება სიმრავლე ერისა ფრიალი ხილვად სანახაობათა მრავალთა, გარნა ვერლარა იხილეს და განრისხნეს და იწყეს დრტვივა, ვითარმედ—სადა არს იგი, რაიცა აღგვითქვეს!“
 ამბობს მოსე ჯანაშვილი „ქართლის ცხოვრებაში“, ე. ი. თანამედროვე ქართულად: „მაშინ შეიკრიბა დიდძალი ხალხი მრავალ სანახაობათა სახილველად მაგრამ, რომ ვედარიფერი იხილეს, გაჯავრდნ და დაიწყეს დრტვივა და ყვირილი: სად არის ის, რასაც დაგვირდენო?“

ეს სტყევები ისე ზედგამოჭრილია „სალიტერატურო დილაზე“, რომ ექვის შეტანა ყოვლად შეუძლებელი გახლავთ.

ვახუშტის ისტორიაში სწერია:

„და მოველინა მათ ძილი, ხოლო უამი ძილი-სა არა იყო, არამედ — დილა“.

რომელი დილა იქნება ის დილა, დამით გამოძიებულ ხალხს რომ ძილი მოეკიდოს, თუ არ „სალიტერატურო დილა“?

მსმენელთა ყურადღების დაღაღვის რომ არ გვეშინოდეს, ასეთ ადგილებს კიდევ მრავალს მოვიყვანდით დასახელებულ წყაროებიდან.

ამის დაგვარად დამტკიცდა, რომ ძველ ქართველებს კარგათ სცნობათ სალიტერატურო დილა და ეს არც გასაკვირველია, რადგან „სალიტ. დილა“ ჯერ კიდევ სოლომონ ბრძენის დროსაც ყოფილა, რადგან ისო ზირაქის წიგნში სწერია:

„აჰა ესე რა, გავიბერტყე მტვერნი ფერხთა ჩემთა და დაუტევე ადგილი იგი, სადაცა მოეწყინა სულსა ჩემსა და შეიპყრო გული ჩემი ურვამან და კაეშანმან“.

ყველასათვის აშკარაა, რომ ადგილი, სადაც მოეწყინა სულსა, ხოლო გული დარღმა და ნაღველმა შეიპყრო, უეჭველად სალიტერატურო დილა იქნებოდა.

მაგრამ დაუბრუნდეთ საქართველოს.

თანამედროვე ყადის „სალიტერატურო დილის“ წარმოშობას საქართველოში მეცხრამეტე საუკუნის საშუალო წლებს უფარდებენ.

აი, რას სწერს შოთა რუსთაველის თანამედროვე ისტორიკოსი სარგის კაკაბაძე ერთ-ერთ თავეს თხზულებაში.

„1847 წელს მე და შოთამ პირველათ განვიძრახეთ თბილისში ქართულ „სალიტერატურო დილის“ გამართვა. მონაწილეობის მისაღებათ მოწვეული გვეყავდა ყველა მაშინდელი ცნობილი პოეტი და არტისტი. „დილის“ წინა დღით ტელეფონის ხარის გაანჩხლებული რეკა მომესმა. მივედი აპარატთან: ვინა ხართ? შოთა რუსთაველი ვარ! აღღვებთ მიპასუხა ხმამ — რა ამბავია კაცო? — წარმოიდგინე გრიშაშვილი უარს ამბობს! — მერე რა ვუყოთ რომა? უიმიოდაც მოვახერხებთ. — *Никогда!* ხომ იცი როგორ უყვარს ხალხს. *Я не хочу надуть публику.. Надо отменить утро*“ ვერ იქმნა და ვერა! ვერ დავაჯერე, ისეთი ჯიუტი რამ იყო ის ცხონებული, რომ მეტი არ შეიძლება! იძულებული ვაკვხადა დილა გადაგვედო...“

ჩვენ თავისუფლათ დავეყრდნობოდით ბ. სარგის კაკაბაძის ამ სიტყვებს და საჯაროთ აღვიარებდით, რომ თანამედროვე „სალიტერატურო დილის“

იდეა ბ. კაკაბაძესა და რუსთაველს დაებადა გასულ საუკუნეში, მაგრამ ეს იქნებოდა ქართველ მეცნიერ ქალთა ერთი ჯგუფის აბუჩად ადგება, იმ ჯგუფის, რომელიც ამტკიცებს, შოთა რუსთაველი ცხოვრობდა მე-12-ში, და არა მე-19-ე საუკუნეში და დიად საფუძვლიანათ ასაბუთებს ამ მტკიცებას გახ. „სახალხო ფურცელში“. საბუთი პირველი: კ. თავართქილაძის მიერ გამოცემულ „ვეფხისტყაოსანში“ კრიტიკ არ არის მის შესახებ, თითქო რუსთაველს მეცხრამეტე საუკუნეში ეცხოვროს. საბუთი მეორე: ბ. ნი კაკაბაძე სცდება: სარგის კაკაბაძე როდი იყო შოთას თანამედროვე, არამედ სარგის თმოგველიო. საბუთი მესამე: თუნდაც სარგის კაკაბაძე ყოფილიყო შოთას თანამედროვე, ეს იმას არ ნიშნავს რომ უთუოთ შოთას უნდა ეცხოვრა კაკაბაძის ხანაში (ე. ი. მე-19-ე საუკუნეში) და არა კაკაბაძეს შოთას ხანაში, ე. ი. მე-12-ე საუკუნეში. საბუთი მეოთხე: ვისაც ერთი ტყუილი გამოაჩნდება, იმას არაფერი დაეჯერება: ბ. ს. კაკაბაძე ამტკიცებს, თითქოს 1847 წ. შოთა რუსთაველს ტელეფონით ელაპარაკოს მასთან. სად იყო ტელეფონი იმ დროს? ჩვენ მშვენიერათ ვიცით, რომ ორთქლის მანქანა და მაშასადამე ტელეფონიც მე-18-ე საუკუნის მიწურულში გამოიგონა გუტენბერგმაო“.

ვიდრე ბ. სარგის კაკაბაძე არ გააბააილებს ზემორე ჩამოთვლილ საბუთებს, ჩვენ არ შეგვიძლია მისი ნათქვამი ვირწმუნოთ და „სალიტერატურო დილის“ აღორძინებას შოთას და სარგისის ხანას ვერ შევეფუარდებთ...

თავუნა.



მ ა რ ც ხ ი

(იგაფი)

ერთ ფეხმარცხიან ქინკრაქას
მთის ფერღზე ფეხი აუცდა;
ბრტყალი ჩამოჰკრა და მიწას
მცირე ნაკაწრი გაუჩნდა.

გაწვიმდა. მარცხად წვეთებიც
სწორედ იმ ადგილს ხვდებოდა
და ამით ნაკაწრს წიალი
თან და თან უღრმავდებოდა.

ჯამის სიფართე რომ გახდა,
გაშრა, გაუხმა კიდენი
და გაჩნდა ფხვნილი მიწისა,
რომ ვერ დასთვალოთ, იმდენი.

კვალად გაწვიმდა. ღვართქემში
დიდი რამ მოჰყვა წვიმასა,
წასალეკ-წასარეცხავად
მოედო ნაკაწრს იმასა,

და გობის ღონეთ აქცია,
სიგრძეზეც გასქრა არხათა:
მზის ამოსვლის და ჩასვლის ხანს
მოსჩანს მთის ფერღზე თაღხათა.

კვალად გაუშრა წიალი...
კვალად აეფხვნა პირები...
კვლავ ნი ღვარი დაეშვა
მთის წვერით მონადირეები,

და არხი კიდევ გაღრმავდა,
გამოსქდა მიწა ზევათა,
და მოსჩანს ღრანტე მთის ფერღზე
უფრო და უფრო შავათა...

და ასე თანდათანობით
გაღრმავდა, იქცა ხევათა,
თითქოს თითონ მთას ითრევსო
უფსკრულში ჩასაქცევათა.


და სადაც სუსტმა ქინკრაქამ
მთა ჩამოჰკაწრა ბრტყალითა,
დღეს იქ უძირო ხევია,
განუზომავი თვალითა.

მთის მარმალილოს ცრემლები
ზვირთებათ ადღუღებულან
და იმ უძირო ორწოხში
თავდაღმა დაკიდებულან.

და იმათ მოთქმა-ძახილში
ისმის ის მწარე არაკი,
რომ ზოგჯერ სულ მცირე რამეს
მოჰყვება ზღვა-ფათარაკი:

„ერთი კვერცხისა გულისთვის
სოფელი განიავდება!“
„ქინკრაქას გამონაფხაქნზე
უფსკრული გამოშვავდება!“.

ონისიმე.



გურული სცენა

ომის გამოცხადება.

შეიქნა ასვარიე-დასვარიე, ეირია ქვეყანა, მე-
ვიდა დებეშა დებეშაზე, მუარტყეს და მუარტყეს
ტელეგრამა ტელეგრამაზე, გამევიდა კუდიანი პრი-
კაზი-პრიკაზზე, გამოცხადდა მობილიზაცია, გამიკ-
ვირდა, მეოცა, მეტოშა ამ კვირკობისთვეში
ავი ხემწიფეები რამ ააღეღვა ასე, რა უქირდენ
დალოცვილებს ბახმაროზე წასულიყვენ გაგრილდე-
ბოდენ.. ყანაში ვიყავით. მერიბინა აქეშელებულმხ
იასულმა, ბრძანებაა მობილიზაცია გამოცხადდა,
ჩხუბი დეიწყუ, კანცელარიაზე გიბარებენო. მივა-
ტიეთ თოხი ყანაში, გევიქეცი თავ-პირ მოღლე-
ტილი. მევიყარეთ თავი... პაწე იგი, ოჯო რაცხა,
ფაჩი-ფუჩი კითხვა-გაკითხვა ქე ვიკადრეთ, მარა, ცი-
ცო, გვიბრძანეს შინაურმა კამანდირებმა, ისე წა-
დით ვაეკატურათ რავარც გურულებს ეკადრებო.
დივემშვიდობეთ ქალს ბაღანას, ნენას, ბაბას, ყანა-
ბაღანას, დავსძახეთ რაშორერაი, მივედით სტანცი-
აში, ჩავედეთ პოეზდში და ქე ჩავერხინდით ბა-
თუმში. დაკეტილია თელი ბათუმი. რომ კტებოდე
და ერთი კაპლი ღვინო მოგარჩენდეს ვერ იშონი.

ჩვენ უღვინოთაც შეხებულნი ვიყავით. ამოვი-
დეთ ხასანბეგური, დავსძახეთ ვახტანგური და აგუ-
ნეს მომლოცავსავით ქე მივადექით კომენდატს
ქისკარზე.

ზღაროვა მალაციო! დავიძახა. ზღაროვა ქე-
ლაიმ ვაშე ვისოკე ბლოგოროდიე“ – სამ მანეთიან
მამალი ინდოურივით უზალპეთ ყველამ ერთად.
მეცო და ხემწიფე იმპერატორსაც დიდი იქელი ქონ-
და გურულეზისო და მალადეც გურიცკი ნაროდ
რომ ქე დაამტკიცეთ ერთგულებაო. აბა თქვენ იცი-
თო ნემეცმა თავი ეიგლო, მოგვიხთაო. — მომხთურს
დამხთური უნდა, მიგვიშვით ვინა იგი თავ-ავადებუ-
ლი უჩვენებთ სეირსო მოვასხენეთ. გარეულ მტრებ-
თან ჩვენ გვეითხე რაფერი ბიჭობა გიჩვენოთ,
ოლონდ შინაურთან არ ვარგვართ თვარაო. აგიც
ვუთხარით—აგი ჩხუბი რომ გათავდეს, ვინც ცოც-
ხალი გადარჩეს იმას მაინც ხტეს რაცხაი ჩვენი
სისხლის მაგიერიო, ვისაც რა უნდა იგი დეილაპა-
რაკოს და იგი წეიკითხოს მაინცო. აგი ყოლიფერი
იქნება და არც ხემწიფის წყალობა მოგაკლდებ-
თო... წავედით... ვჩხუბობთ აგერ ათი თვეია, დღე
არ გავაჩნია და ღამე, ძილი არ ვიციოთ და ღვიძი-
ლი. ჯერე გული არ გავვტებია, მარა ისე აგი ჩხუ-
ბი იმას გავს, ბაღნობას ჩიტი რომ მომიკლავს იმი-
ზა რომ შემილოცავს. დავასველებდი ჩიტს წყალში,
ჩავავდებდი ლადარში, ვაბრუნებდი ჯოხით ნაცარ-
ში და ვულოცავდი: „ასვარია, დასვარია, შენი
დედა, შენი მამა, შენი ძმაი, შენი დაი, შენი ნაც-
ნობი, შენი უცნობი, შენი ნახული, შენი უნახავი
ყველაყაი აქანაი დასვარია მეთქი. სწორებ ისე გვე-
მართება. წამიყვანეს მე, მომაწიეს ძმაი, მომაწიეს
სიძე, მომაწიეს შეილი და მგონი დროზე შემერთო
ცოლი შეილის-შვილსაც მომაწევდენ ზურგში...
მარა რაც უნდა იყოს აგი ერთი ხომ იქნება კაი...
აგი ჩხუბი რომ გათავდება სამამასახლისო კაცები
ბეური იქნება, ჯვარიანები ყველაი მოხუცდა და
გაწყდა, ახლა ჯვარიანიც ბევრი იქნება მამასახლი-
სათ რომ ივარგებს და ყავარჯენიანიც—ხიდის ყუ-
რის საცავათ.

პიტნა.



მ დ რ ა ლ ა

თუ კი არსებობს ამ ქვეყნად
რიგი, ან სამართალია,
თუ ადამიანთ გონებას
ძველებურ უჭრის თვალია,
ამ მცირე შარადისაგან
ალარ დარჩება კვალია.

ქვა მქრელი, ქვა პირ-მაგარი,
ბრტყელი იყოს, თუ მრგვალია,
ფოლადით აპყრის ნაპერწყლებს
რომ ააფეთქოს ფალია.
(ტყვია მტერს მოხვდეს, თუ მოძმის
ეგ რა იმისი ვალია,
მიზანის ამორჩევაში
მას არ მიუძღვის ბრალია).

მონახეთ ქვაი ამგვარი,
პირ-ბასრი, ენა ფხიანი,
მონახეთ მიწდვრათ ყვავილი
ტურფა და ბარაქიანი,
ცას მოკამკამეს გვაგონებს
მტრედის ფერ ვარაყიანი.
დაჰკარით იგი მახვილი,
ქვა ბასრი ენა მქრელია,
გაჰკვეთეთ ნაზი ყვავილი
მშვენება სანატრელია,
და იმა თქვენსა მახვილსა
მყისვე გაუშვით ხელია.

ღე დარჩეს იმავ ალაგას
ყვავილის ნაწილთ შორისა,
იგი იქნება კავშირი
შემამერთები ორისა,
მისგანვე განაბასრავი
ნაწილის თანასწორისა.

უკვე მზათ არის შარადა:
ქვა ყვავილთ შორის გდებული,
ევროპის სახელმწიფოა
ძველ დროში დიდათ ქებული,
ქვეყანას აზანხარებდა
იმათი მირონცხებული.

დღეს ძველი სხივი არ მოსავს
არ ადგას ძველი გვირგვინი,

დრომ უღომობელმა დასცარა,
წარსულს ჩაჰზარდენ ივინი...
(მათ ეხერხებათ მხოლოდლა
ტკბილი და ნაზი დილინი)

დღეს რო მზად არის საომრად,
ხვალ აღარც ფიქრობს ბრძოლასა,
ცვალებადობით ჭეშმარიტ
ჰგავს მასრადინა მოლასა;
უმეგობრობა სჯობია
მეგობრათ მისსა ყოლასა.

კოლო.



იმერული სცენები.

დაგვესხა თავსხლაფი!

ვუი! ვუი! იუსტინე ჩემო, რა გეიგონა ჩემმა
დასაფსებმა ყურებმა! ვუი! ვუი!

— შე ქალო, რა იყო, რა ამბავია?

— ნუ მათქმევიფე, ნუ მათქმევიფე, შერცხვით
თავსხლაფი დაგვესხა.

— არ იტყვი, ბოშო, რა ამბავია?

— ვუი! ვუი! არ კი შეგვარცხვინა იმ თვა-
ლებ დასაფსებმა!

— იმე, შე ქალო, მითხარი რა ამბავია.

— რა ამბავი და, ჩემო იუსტინე, ჩემი გულის
მანიდაშვილის ძმის წულის შვილობილის სიკოიას
მიწის ქვეშ ამოდება!

— რა დეემართა, შე ქალო?

— რაი და, ის შერცხვენილი, ის გაფუტებუ-
ლი და ურჯულო, ამდგარა და ჩემი ბაბუსის ბი-
ცოლის შვილი შვილის მამიდაშვილზე არ გადაუ-
წერია ჯვარი!

— რა თქვი, ბოშო, ვე! რა გეიგონა ჩემმა
ყურებმა, რას ხედავს ჩემი თვალები. ბოშო, და,
იმ აშარმა გომბიომ რავე გაბედა გაყოლა? ეჰ, წახ-
და დროება, ჩემო კესარიე, აღარც ნათესაობა
სწამთ და არც არასფელი! იჯავრე, იჯავრე ჩემო
დაიკო. შეგარცხვინეს იმ უნამუსოებმა!

— ვუი! ვუი! ვუი! ჩემო იუსტინე!

— ვუი! ვუი! ვუი! ჩემო კესარია!

შეგარცხვინა ლმერთმა!

— მე როგორც იცი, ჩემო სერაფიონ, ხელო-
ბით ლაქია ვარ. ახლა ვარ ისეთ უსაქმოთ, თვარა
შარშან წელში რა თვე იქნებოდა მისთანა, რომე
ორმოცი თუმანი არ გამეგზავნა ჩემს ქვაკიბეთისკენ.

— ოჰ!

— სწორე შარშან შემემთხვა ეს ამბავიცი.
რესტორანში ვმსახურობდი. კაბინეთში შამევიდა
კაცი, თავის „დამით“, გამაწყობია ვახშამი. ისეთი
ვახშამი კი იყო რომე, როცა წვეილენ მონარჩენე-
ბით ხუთი ბიჭი გაეძეხით.

— უჰ!

— ჰო და!.. გაათავეს ვახშამი.. მომატანის
„შაფანცი“. დალიეს... კარგი! ქალს თლა ენა
ჩოუვარდა და გადალულა თვალეზი.

— იმე!

— მერე, კაცმა მითხრა: მოდი ახლოო... მი-
ვედი ახლო. დეიწი ძირსო. დავწიე თავი ძირს..
გამიქნია იმ ურჯულომ და ერთი იმისთანა მღეწა
ცხვირ პირში რომე გამათავა კაცი.

— იმე! იმე!


— გაგვორდი ძირს... გავახილე თვალეზი, შე-
ვხედე: დოუდვია ტლიკვი ოცდა-ხუთიანი სტოლზე
და მიჩვენებს თითით: ვილეო! ღამიბნელდა თვა-
ლები, ამიფანცქალდა გული, ამიკანკალდა ხელები,
ამიძაძაგდა ფეხები, დევიმანქე, დევიგრიხე, გავ-
ზარქყე თითები, ვეცი, ვსტაცე ხელი და... გავგზა-
ნე ჯიბეში.

— რავე, ბოშო ცოცხალი კაცი რითი ჩაძვრა
ჯიბეში!

— რის კაცი, რა კაცი!! ოცდა-ხუთმანათიანი
ვეილე!..

— ფული?!! შეგარცხვინა ლმერთმა! რავე ფუ-
ლიზა კაცს თავს შეგარცხვენებ?!!

გუგუული.



ს პ ო რ ტ ი .

სპორტი ჩემთვის იგივეა, რაც ცხოველისათვის ჰაერი, თევზისათვის წყალი, მგონისათვის გაზაფხული, ჩინოვნიკისათვის ქრთამი, და რუსისათვის არაყი.

მაგრამ ყოველგვარ სპორტთა შორის, ჩემს ტრფიალს მათრახის ვარჯიში შეადგენს.

გეფიცებით ჯოჯოხეთის წმინდანებს, თვით პობედონოსცევიდან მოწყებულს, რომ არ ვიცი რამ გამოიწვია ჩემი ამ სპორტისადმი ასეთი სიყვარული. ვეფიქრობ მხოლოდ, რომ ამისი მიზეზი მხოლოდ ჩვენი ცხოვრების პირობები უნდა იყოს: მათრახი სკოლაში, მათრახი სოფელში, მათრახი ქალაქში, მათრახი ქარხანაში და სატუსაღოში, მათრახი საზოგადო და კერძო დაწესებულებებში, ერთი სიტყვით მათრახი ყველგან და ყოველთვის.

აი რისთვის მიყვარს მათრახი, რისთვის ვემსახურები მას, რისთვის ვაქებ და ვადიდებ მის ძლიერებას!

ამიტომ შეგიძლიათ წარმოიდგინოთ ჩემი აღტაცება, როცა მომივიდა მიპატიების წერილი (უპარკო რასაკვირველია) „მათრახის მოყვარულთა“ მიერ გამართულ შეჯიბრებაზე დასასწრებლათ. მესიამოვნა, უზომოთ მესიამოვნა, რომ ინიციატორებმა ჩვენი რედაქცია არ დაივიწყეს და საშვალემა მოგვცეს ქვეყანაში თავი გამოგვეჩინა.

სოფელი ღრიალეთი (ქ. გორის მახლობლათ) მუდამ განთქმული იყო მათრახის სპორტით, ვინაიდან ადგილობრივი ადმინისტრაცია ამ საქმის კარგ მკოდნეთ ითვლებოდა. ამ სოფელში იყო დანიშნული ეს საარაკო და საისტორიო შეჯიბრება მათრახის მოხელეთა და მეც ჩვენი რედაქციის მანდატით მყის გავემართე იქითკენ.

უზარ მახარი მოედანი უკვე სავე იყო პროვინციებიდან ჩამოსული სპორტსმენებით, რომელთა შორის განსაკუთრებულ ყურადღებას იქცევდა გურიის მაზრის უფროსად ნამყოფი ი. ნ—ძე; სამეგრელოში ცნობილი ურიადნიკი ვ. ც—ძე და ქართლელი მთავრობის მამასახლისი ტუხა მხარ მაგარი.

სპორტი გახსნა და მგრძნობიარე სიტყვა წარმოსთქვა ჭიათურის ბოქაულად ნამყოფმა ფ. კურდღელაძემ. იგი დასაბამიდან შეეხა „მათრახის“ წარმოშობის ისტორიას და განმარტა მისი კულ-

ტურული მნიშვნელობა ქართველი გლეხ-კაცობის ცხოვრებაში.

მე „ახალი მათრახის“ რედაქციის სახელით წარმოვსთქვი დაახლოვებით*) შემდეგი:

„ბატონებო! მე სავსებით ვეთანხმები ბ-ნ კურდღელაძის აზრს მათრახის კულტურულ მნიშვნელობის შესახებ. აღვნიშნავ მხოლოდ ერთ საგულისხმეო გარემოებას. (მე აქ შევჩერდი და წყალი დავლიე) ბატონებო! ჩემის აზრით კულტურული ნაყოფი მათრახისა ცალმხრივია. მას არა აქვს ფართე ეროვნული მნიშვნელობა. მისი ღვათებრივი გავლენით სარგებლობს მხოლოდ და მხოლოდ გლეხ-კაცობა და მუშა ხალხი, თათქო დანარჩენი ქართველობა მამულის გერი იყოს. (აქ კიდევ შევისვენე და წყალი მოვთქე) მე საქვეყნოთ მოვიტხოვ ბოლო მოედოს ამ უთანასწორობას და თავდა-ახნაურობა სამღვდლოებითურთ გაუთანასწორდეს გლეხებს უფლებაში. დეე მათაც ივემონ ის კულტურული კეთილყოფა, რომლითაც ეგზომ უსამართლოდ სარგებლობენ მხოლოდ გლეხ-კაცი და შავი მუშაკნი“.

ბოლოს და ბოლოს ხმას ვუმატე და უკანასკნელი სიტყვების გრგვინვა ნ2 სანტიმეტრიან ზარბაზნის კრიალს მოვაგონებდათ. ხალხის აღტაცებას საზღვარი არა ჰქონდა.

დაიწყო შეჯიბრება! ენა ვერ იტყვის და კალამს საიდან შეუძლია ასწეროს ის განსაკვირვებელი „პრიომები“, რომლებსაც ასე ოსტატურათ ასრულებდენ მოთამაშენი.

სანიშნულად გამოყვანილი იყო ექვსი უღელი კამეჩი და 18 ვირი. ვერ გამიგია, თუ რისთვის ამოიღეს ნიშანში ცხოველები და არა ჩვეულებრივი ობიექტი მათრახისა,—სოფლის ხალხი. ყოველ შემთხვევაში ეს გარემოება ნაკლათ შეიძლება ჩათვალოს სხვაფრივ ხელოვნურათ მოწყობილ დღესასწაულს.

თითოეული ახალი მოვარჯიშის გამოსვლა, ეს ახალი სიტყვა იყო მათრახის ხმარების ისტორიაში. ხანგრძლივ პრაქტიკასა და საქმის სიყვარულს ბევრი რამ შეუძლია შესძინოს ადამიანს, მაგრამ ჩემთვის წარმოუდგენელი იყო, თუ მათრახის ხელოვნება განვითარების ამ წერტილის ხაზამდე მივიღოდა.

მე შეათვდ მომიწია გამოსვლა და რომ ტრახი არ გამოვიდეს ჩემს შესახებ ლაპარაკს, სხვებს

*) ვრცლათ ამ საგანზე შემდეგ.

ვუთმობ. ვიტყვი მხოლოდ იმას, რომ ჩემი მათრახის უკანასკნელი მოქნევის შემდეგ საათნახევარს ტაში არ შეწყვეტილა.

სალამოს ნ საათზე გამოცხადდა სია იმ პირთა, რომელთაც განსაკუთრებული ყურადღება და ჯილდო დაიმსახურეს.

მართალია მე ვერ გავამართლე რედაქციის იმედები, მაგრამ პატივი მაქვს მოგახსენოთ, რომ ჩემპიონებში მესამე ადგილი მიჭირავს.

ქვემოთე ამისა მოყვანილ სურათზე გამოხატულია

ჩემპიონი სრულიად საქართველოსი ყოფილი ბოქაული თ-დი ბაგრატ ბურჯაძე.

ქართლის ჩემპიონი, ყოფილი მთავრობის მამასახლისი ფრიდონ შავხელი.

და დასასრულ თფილისის ჩემპიონი თქვენი უმორჩილესი მონა

ეშმაკი.



ქართლის ჩემპიონი ყოფილი მთავრობის მამასახლისი.




საქართველოს ჩემპიონი ყოფილი ბოქაული



თფილისის ჩემპიონი ბ-ნი ეშმაკი

3 მაისის სალიტერატურო დღე



გიორგი ამირეჯიბი. სწორეთ გბატავს ეგ კურტანი,
 მშვენიერებავ?
 ძროხა—ისეთმა ფურმა დამწიხლოს ჩემზე მეტს იწვე-
 ლიდეს.



იუზა ზარდალიშვილი ჰამლეტის როლში.

ბელურა და ლაგურა

(გუბდენი ბნეჯუასის მოციქულებს).

ბელურამ უთხრა ლაგურას:
 —ერთი უნდა გკითხო რამე,
 რატომ არის დღით ვერ გხედავ
 გამოდინარ მხოლოდ ღამე.

თუ გცხვენია უშნო რომ ხარ,
 არც ჩიტს გავხარ, აღარც თავგსა
 და ამიტომ ბნელ კუნტულში
 შეაფარებ სადმე თავსა?


მელამიამ უპასუხა
 მედიდური სიცილითა:
 —არამზადავ, შენ ის გინდა
 მეც ვკვდებოდე შიმშილითა?

სულელი ვარ თქვენსავით დღით
 ვიქიციკო ვიფრინო,
 დღით ბუზები სად ვიპოვნო,
 თავი რით-ღა ვირჩინო!?

რადაც კიდევ უნდა ეთქვა
რომ მოესწრო ნათელ-სხივი,
და იმ წამსვე მიიშალა
სიბნელეში გამოზრდილი.

განა ჩვენში ცოტას მოსწონს
ლამურების მოსაზრება?
ბნელში შობილთ, ბნელში უყვართ
სიცოცხლე და ნეტარება.

ბური.



ბოძო მარინე!

ვიცი, ძაან ჯავრიანათ იქნები ახლა შენ და
სულ ბალანის და ჩემი ფიქრი გექნება, მარა ნუ
ინალღლეფ, ჩემო მარო, ბოვში კარქათ არი: სიცხე
ლოჯლო და ჭამის მადაც ქე აქ ახლა. გუშინ წი-
ნაზე მყავდა გუმათელთან. ძაან ძვირიანი წამლები
ქე გამოუწერა ი მამაცხონებულმა: შვიდი მანათი
და ორი აბაზი გადამაშვლებიეს. შენ იმასაც ქე
მეუბნებოდი, გუმათელი არაფერს გადაგზადევიებს ლა-
რიბათ რო შეგხედავსო, მარა შენც არ მომიკვდე!
ის კი არა და ათი შაურის მაგიერათ, ახლათ მანათს
ახთევიებს და მერე რანეირათ ახთევიებს! სხვა
დოხტური ჯერ გაგშინჯავს, მერე ფულს გამოგარ-
თუმს, გუმათელი ჯერ ფულს ართმევს და მერე
შინჯავს. ზე კარებში დოჯუენია ვინცა ქალი და,
რამდი არ ვადეიხთი მანათს, ფეხს არ შეგადგმე-
ვიებს ოთახში. ბოვშის გაშინჯებისას ბალანის ჩა-
ბალახი დამრჩენოდა დოხტურის ოთახში და, რო
მივედი გამოსატანათ, სიკვტილი იღირსია ქალმა
და არ შემიშვა: მოორე მანათი უნდა მომცეო.
ისტევე ჩაბალახის დატუება ვამჯობინე და ავამტყო-
ფი ბალანეი თავშიშველი წამევიყვანე. ეს კილო
რაა. ერთი რუსულად გამოწყობილი კაცი მოსუ-
ლიყო და დოხტურის დაპიჯება მინდა სადილათო
ეუნებოდა ი ქალს, მარა, რამდი მანათი არ გადაე-
ხადა, ფეხიც არ გადაადგმევიეს ოთახისაკენ. არა,
ჩემო მაკრინე, გუმათელი ის გუმათელი აღარ არი
წინათ რო იყო. ბოვში რო ვაჩვენე, ხვალ კილომ
მევიყვანეო მიახრა, მარა ველარ მივიყვანე ფული

არ მქონდა. რაცხა ერთი თუმანი წამევიდე, დემე-
ხარჯა. სულ ვასილას დავაწევი ყოლიფრათ და
მარტვა სირცხვილის მრცხენია. რაცხა სამ თუმანს
იღებს ი კაცი და თვითანაც არ ყოფნის. მოახერ-
ხე რამე, მარინე ჩემო, და გამომიღზანე კილომ
ერთი თუმანი. დოჯუიარავე ძროხა ილარიონ მე-
დუქნეს, ან თელათ მიყიდე და გამოგვიღზანე. აპა
რას იზამ, როცა სხვა სახსარი არაფერი არ არის.
ერჯენ კილომ მივიყვან ბოვშს ი გუმათელთან თუ
რაცხა და, მერე თუ მივეკარო, თუ უნდა ტყავიც
გამაძროს. ხეთის წინაშე, არც ახლა მინდოდა
მისვლა, მარა ჩაბალახის ჯავრი მაქ; სამი მანათი
მქონდა მიცემული შით და რავა დავკარქო ასე
უბრალოთ.

შენი ქმარი სარდიონ საწყალაძე.

ფოთიღან

(განმარტება)

ცოდელი ეშმაკს ემაღვის,
ვითა კურდელი მწვეარსა,
(თუმც ვერ წაუვა ხელიდან
ვერც-ერთი თავის მღვეარსა)
ჩვენს ცოდვილებსაც ამიტომ
აბრაზებს პირში მხილება,
საომრათ ეშხადებან,
ისმის ლანძღვა და გინება.
ამბობენ, უნდა შევიპყროთ
ეშმაკის მოციქულიო,
იმ გამცემელსა „ბუტუნას“
სასჯელი დავსდვით სრულიო.
ნეიტრალიტეტს ნუ ვიცავთ,
გამოვაცხადოთ ომიო,
მახვილით წაწყდეს თვითონ ე
ჩვენი წაწყმენდის მდომიო.
მთავარ სარდლობა „ფონ-მიხას“¹⁾
ეკუთენის მედალ-ჯვართო,
მტერს ემუქრება მრისხანეთ
თავის მეტივე ჯარითო.
ზღვაში გამოსვლა ებრძანა
ნაღმოსნებს ქალადიდისო,
ეგნატეს ტბიდან²⁾ ესკადრა
ფიცხლავ შალთაყვით მიდისო,
ღრენოუტს კაპარქინისას

1) ფონ-მიხას—გასავალ ფონის მცოდნე.
2) ეგნატეს ტბა—პალიასტომის ტბა.

აღარ სჭირია მზადება,
პირველ ბრძანების თანავე
სარდალოთან დაიბადება.
ხმელეთის ჯარი თედორეს
ებრძანა, ჩაიბარეთო,
ალყაში ჩასვი ქალაქი
ვერვინ გავიდეს გარეთო.
„ქაქვეთის³⁾ გრაფმა“ ბათლომემ
თილისმით⁴⁾ იწყოს ფრენაო,
მტერი დახვეროს (ცხრაას ხუთს
ვისაც უსწრებდა ენაო).
ჯიქიძე—უმათულოის
უფროსად ტელეგრაფისო,
ჰაერში, ზღვაში, ხმელეთზე
ცნობის მიქცეში სწრაფისო.
შტაბს ჩაიბარებს ცნობილი
რეგისტრატორი კოსტაო,
მის თანაშემწეთ კირილეს
უნდა ეთხოვოს მოცდაო.
ულტიმატუმი ჩაბარდა
ათვალწუნებულ „ნოვესო“
თუ თვით არ არის „ბუტუნა“-ს
გაცემა მოითხოვესო.
ნოვე ფიცულობს სამშობლოს,
ქართველ ერს და თვით გურიას.
(რაც მიქელაძის ცოდვებში
უყვეს კულაშელ ურიას)
ისეთი უმართებულო
სასჯელი მოელოდება,
არც მოწმე გადის, არც ფიცი,
არცა მუდარა, გოდება.
რისთვისაც ისევ „ბუტუნა“
იძლევა გენმარტებასა,
მის ადგილს სხვაი დასაჯონ
არავის მისცემს ნებასა,
დამწერს რას ეძებთ, დაწერილს
თუ კი არა სცნობთ სწორათა,
გააბათილეთ ახსენით
ცილის წაქება—ქორათა,
მაშინ ეწმაკმა მათრახით
შვაზე გამაპოს ორათა,
დაე გადვიქვე ხალხის წინ
ყვავ-ყორნის საკვებ მძორათა,
მარა თუ გითხრათ სიმართლე
ქეშმარიტების მონამან,
თუ თქვენს არმიას დასწონოს
„ბუტუნას“ თავის წონამან“?!

³⁾ ქაქვეთი—მზაკვართა დედოფლის „როაკაპი“ს სასახლე.

⁴⁾ თილისმა—ნივთიერება, სითხე, რომლის წაცხებით შეიძლება ფრენა და რომელიც ქაქვეთში იწონება.

ნინძლავი დავდვით საჭირო.
არ ნაფერები შურიოთა,
მტყუნანმა ჩვენი ქალაქი
ერთ დღეს არჩინოს პურიოთა⁵⁾
თავლებათ ჩემგან მიიღეთ
ბირჟა-ბანკების თავები:
ანდრი, თაღეოზ, ვასილი,
(ეს თქვენგან განაშავები),
თქვენის მხრით სალაყაიას
ჯაიან, ესეგუასა
მივიღებ, მარა ნუ ფიქრობთ,
თქვენ მასწავლიდეთ ქუეასა!
თქვენ დაგამარცხებს თქვენივე
„მოღვაწეობის“ წყვილიაღი,
მე კი წინ მიძღვის მომავლის
ბრწყინვალე სხივი ღიაღი.

ბუტუნა.

⁵⁾ მშვიერთა ტირილს ამის მზგავს
ველარ მოისმენთ ყურითა.

„ახალი მათრახის“ რედაქცია აცხადებს, რომ
მას ბ-ნ ნოე ა. ჟღენტთან არავითარი დამოკიდე-
ბულება არა აქვს და „ბუტუნა“-ს ფსევდონიმი
ჟღენტს არ ეკუთვნის.

მთხსენება

ბაქოდან.

რა ვქნა ვიტრო—რაღადა?
ველარ ველირსე შევბასა.
ვიცინო,—რაზე ვიცინო,
მკითხველო შენსა ლხენასა!?
ჩემი ვარსკვლავი მზეს ჩაყვა;
ამოეფარა ქვენასა.
ამოვა.. მარა ლოდინში,
დამიკორტნიან რწმენასა:
ქვეყანა შემომსევია,
ასაქსაქებენ ენასა.
ზოგი გუნდრუკით მეველება,
სხვები მიძღვიან ქებასა!?
შინშილი კარზე მომადგა,
ძმები მოითხოვეს შეველასა.
ვაქრები გავვიდიდკაცდა,
ქონი აწუხებს ყველასა...

მამინაცვლები გამიჩნდენ,
და მიწამლავენ სმენასა!
— „ფულები გაგვიიაფდა,
ნუ ლამობთ სხვა გზის კვლევასა?!
ამას ვინ ჩივა... „მალღებიც“,
გაიძახიან იმასა:
„ფულები რომ მივეუმატოთ,
რუსის ბუნების მუშასა,
არ იმუშავებს მერწმუნეთ,
და გაუდგება ქუჩასა.
თავში მოგვაყრის ქვა-ნახშირს,
ზედ მოაყოლებს ქვიშასა“.
ბაქოელებმა ვითომდა
აჯობა ქვეყნის „ბურჯებსა“...
„ექვსი პროცენტი“ მიუგდეს,
ჯერ „უტოლშვილო“ მუშებსა...
და ცოლიანებს „ათიო“, —
ეყოფა დამწუხრებლსო!
მანეთ ნახევარს, ორ მანეთს,
თვეში ვინ დაიწუნებლსო?!

ალ. ზაგლობა.

დიდი ჯიხანიშიდან.

ეო, მეო, შენი ქირიმეო,
თედორესთან შეიკრიბოს
ინტელიგენტო წრეო.
ქალთა წრეში თავმჯდომარეთ
გვყავდეს თედორეო,
ჯერე „ფრაპი“ გავახუროთ,
მერე „ბაქარეო“,
ჯერე შენსას, მერე ჩემსას,
შენ გენაცვალეო.
ზეგ, სიმონი დაგვაბატიეებს
ვინძლო გამოძღეო,
ხვალ სერგიას მივეულოცოთ
დაბადების — დღეო,
ქვეყნისათვის შრომობს იღწვის
მას ვენაცვალეო,
ტოლუმბაშათ ვიყოლიოთ,
ყოველ მუდამ დღეო.
სვიმონიკა, ნუ ეშმაკობ,
კარტი დათვალეო,
ორ ქაღალდში, სამი ტუხი
რათ გამოლაღეო.
სიმილის კაკალს აკლია
ჩამოდი პავლეო,
ამალამვე გადავსწყვიტოთ,

სად ვიყოთ ხვალეო.
ეს სტოროჯი გაეფურთხილოთ,
არ დაწვეს მალეო,
ნადია არ გაგვირისხდეს
შენ გენაცვალეო.
ასე ვატარებთ ღროებას
მუშაკნი გამძლეო,
ეშმაკო ტარტაროზისავ,
ყოვლად მძლეოთა მძლეო,
მამასახლისის ღუქანში,
ერთი შემომყეო,
იქ ვნახავთ მცველებს სოფლისა,
სვამენ ყოველ დღეო,
მთვრალეები დაბანცალობენ,
აქ ბაზრობაზეო!
ტუდს არ იზამ თუ გამოსციდი
მათრახს იმათზეო.

კიკოლა ბიჭი.

ვაკიჯვარიდან.

„ახალ მათრახს“ გ-მარჯობას
ვესურებ და მასთან ერთი
სათხოვარი მაქვს მკირედი...
(მომისმინეთ, თუ გწამთ ღმერთი:)
რა სენს ვეცე, აღარ ვიცი,
უწინ რომელს დავეჯახო...
ყველა საჭირ-ბოროტოა,
სატირალი, სავაგლახო.
ლოთობა და უსაქმობა,
ბანქობია, ღუშაშ-ნარდი,
ჩვენს ვაკიჯვარს არავინ ყავს
ყველა ამაებში ფარდი.
„როლში არის,“ სჯობს ასე ვთქვა,
„მოწინავე ელემენტი“.
(ხალხს გონია და მე რა მაქ
აქ სათქმელი ამის მეტი).
ისინია სამწუხაროთ
ხალხის თვალი, მესვეური...
მაგათ ყოყლოჩს რომ უყუროთ,
თითოთ უნდა იცოთ ყური.
„ახალ მათრახს“ სალამი და
გაზარჯევა მის მარჯვენას.
შენ იცი თუ გვესტუმრები...
თითონ ნახავ ჩვენს წახდენას.
ჯერ თითონ შენ დარწმუნდები —
მართალია მოხსენება.

შემდეგ ყველას ჩამოგივლი,
დე, ასრულდეს კალმის ნება.

ტლუ.

ლიხაურიდან. (გურია)

რა რომ ვიხილეთ მათრახი შენი.
გულს მოემატა შვება და ლხენა,
და თუ გწადია გაწმენდა ჩვენი,
კარგი იქნება, არ გაწყენს შენა.

ცოტა სოფელშიც რომ გადმოფრინდე,
დროზე გვიშველო კარგს იხამ ერთსა,
თორემ შემდეგში გვიან იქნება,
ლოცვა დაიწყეს, შესთხოვენ ღმერთსა:

„გვიხსენი ღმერთო ეშმაკისაგან,
ომს ეპირება დაუნდობელსო,
თუ გამოაწყუო ეშმაკთა ჯარი,
რა ეშველება მხარეს მშობელსო“-

ქურდობა ჩვენში ძლიერ ცოტაა,
თუ მოხდა, ახსნაც გაგვიადვილდა:
ღმერთმა უშველოს აქის დიაკონს,
ჩამოგვისვენა დავითნი წმინდა.

ქურდს ამოიცივოს არ უნდა თქმაი:
—ვისკენც იბრუნა წმინდანმა თავი,
ის არის ნამდვილ ბაროტის მქნელი“
ამბობს დიმიტრი მასწავლებელი.

სხვებზეც რომ სცაღო მათრახი შენი,
და არ მოაკლო ნაცადი ხელი,
ვარწმუნებ არვინ არ დაგძრახავსა,
პასუხის გებას მე ვიდებ თავსა.

ორ ძმას შეხვდები კუზიანებსა,
თუ მიაყენებ მათ ზიანებსა
სხვისი ავისთვის მოწყურებული,
მუდამ ამაზე, შესტიკვით გული.

სამსახურშია ორივე ერთათ,
დავითს ლოცავენ პატრონათ ღმერთათ,
კაცი არ არის. ისეთი ჩვენში,
ვისაც შეხვდებათ, არ სჩხვიტონ გვერდში.

წაღმა უკულმა მაკებნარია,
ამხანაგები მთლათ გადარია.
არავის ინლობს, პატარას დიდსა,
მათთვის ერთია ვინც იყოს ისა.

ნანა.

წერილი რედაქციის მიმართ

„ახალი მათრახი“-ს № 4-ში, არის წერილი ფოთიდან ლექსად, „ბუტუნასი“ და იწყება ამ რიგად: „სალამი დიდო ეშმაკო, სარდალო ჯოჯოხეთისა“ და სხვა. ჩემი პირადი მტრები ავრცელებენ ხმებს ადგილობრივ, ვითომც ეს ლექსი მე შეკუთმოდეს. მოსალოდნელია ამ ყალბ ხმების გავრცელებას ჩემთვის არა სასიამოვნო ამბავი მოჰყვეს. ამიტომ უმორჩილესათ გთხოვ ბ. რედაქტორო გაგამოაცხადოთ ერთ-ერთ მახლობელ ნომერში, რომ ეს ლექსი მე არ შეკუთნის. ამასთან მოვასხენებ ზოგიერთ ჩემზე ასეთ ხმების გამვრცელებებს, რომ თუ ასეთი ჟურნალი გამოიცა თფილისში, სრულიად არ ვიცოდი. შეიძლება ზოგიერთები იმიტომ მწამებენ ასეთ ცილს, რომ რედაქტორ-გამომცემელი— ნ. დ. ჟღენტისა ბრძანდება. ამაზედაც მოვასხენებ, რომ ამ ნ. დ. ჟღენტისას სრულიად არ ვიცნობ და არც არავითარი მიწერ-მოწერა მქონია ჩემს ცხოვრებაში.

პატივისცემით ნოე აღმახსნან. ჟღენტი.

ჩვენ ვწუხვართ, რომ ამ წერილის დაბეჭდა დაგვივიანდა და შეიძლება ფოთელებმა კიდევაც ჩამოახრჩვეს უდანაშაულო კაცი.

ახ. მათრახის რედაქცია.



ჯერ ახალს. თქვენი ლექსი „ამონაკენისი“ ასე იწყება:

მოახლოვდა გაზაფხული
გაგვეპარა თლათ ზამთარი
დარი ღგება სასიამო
მხოლოდ დაჰქრის ზენა ქარი
ზენა ქარი სუსხიანი, ზენა ქარი სუსხიანი“.

ჩვენ სიამოვნებით დაგიბეჭდავდით ამ ლექსს, მაგრამ მკითხველები იფიქრებენ გრიგოლ რობაქიძის კალმის ნაწარმოებიაო და არ გვინდა მას ახალი დაფნის გვირგვინები მოვუხვეჭოთ.

ნ ა ლ ე ლ ა პ ი რ ე ლ ს. თქვენ იწერებით ვილაცა უცნობის შესახებ:

„გამარჯობას რომ ეტყვი,
თავს განზე მოიკეცებს
ამ უკადრისს ტუტუტობას
სიარული უმტკიცებს“.

„დასაკეცი თავი“ პირველი გავანებაა ჩვენ-
თვის. თქვენი წერილი არ იბეჭდება იმიტომ, რომ
სავანს ჩვენ სხვა და სხვა წერტილიდან ვსინჯავთ
მაგალითად—თქვენ სიტუტუტეს სიარულზე ატ-
ყობთ, ჩვენ კი ლექსების წერაზე,

გ ი გ ა შ ე ი ლ ს. ლექსი ზამთარი:
-გარეთ თოვს სახლში ჩხუბია
ქალების ერთ-მეორეზე...
ეს რომ შევნიშნე წაგართვი
ჯოხი კი რა რომ ავდექი...
და ორივენი დავფალი
თოვლში და ზედ დავაწევი“

ჩვენც დავფალით სარედაქციო გოდორში თქვე-
ნი ლექსი და ზედ დავაჯექით.

უოველდღიური საზოგადოებრივი, სამეცნიერო და სალიტერატურო გაზეთი

„თანამედროვე აზრი“

ფასი წლით 7 მ. ნახევ. წლ. 4 მ. 1 თვით 90 კ.
ცალკე № 5 კ.

ადრესი: ფულის და წერილების გამოსაგზავნი; Тифлисъ
почт. ящ 199 Евгению Илларионовичу Урушадзе.
კანტორა: თფილისი, ბარონის ქ. № 15.

უოველდღიური სალიტ. და საზოგადოებრივი გაზეთი

„სახალხო ფურცელი“

ფასი წელიწადში 8 მ. 50 კ. ნახევ. წლ. 4 მ. 5 კ.
3 თვ. 2 მ 25 კ. 1 თ. 75 კ. ცალკე № 5 კ.

ადრესი: Тифлисъ, Газ „Сахалхо Пурцели“ почт. ящ. 190

საზოგადოებრივი და სალიტერატურო გაზეთი

„თ ე მ ი“

გაზეთი გამოდის ორშაბათობით

ფასი: წლით 2 მ. 50 კ ნახევ. წლ. 1 მ. 25 კ.
ცალკე № 5 კ.

ადრესი: Тифлисъ, Ольгинская ул. № 4

გოლოვინის პროსპექტისა და სამხედრო ქუჩის კუთხეში

გაიხსნა ახალი აფთიაქი ვაწვდამ ახვედნიანისა.

1 მაისიდან ქალაქ თფილისში გაიხსნა უურნალ-გაზეთების კანტორა

„განათლება“

ჯერ-ჯერობით აგენტებს გაგზავნება შემდეგი გაზეთები: „თანამედროვე აზრი“, „ემმა-
კას მათრახი“, „თემი“, „თეატრი და ცხოვრება“, ქუთათური „ახალი კვალი“, „კავკასკოე
სლოვო“, „თბილისის ლისტოკი“, „ორიზონი“, „მშაკი“ და „ხათაბალა“.

აგენტები ვალდებულია მთელი თვით დაკვეთილი გაზეთების ფასი წინდა-წინ გადაიხა-
დონ. წინააღმდეგ შემთხვევაში გაზეთები არ გაგზავნებათ.

ფული და წერილები უნდა გამოიგზავნოს შემდეგი ადრესით: Тифлисъ, почт.ящ. № 21,
Сильвестру Р. Таварткиладзе.

კანტორის ადრესი: ბარონის ქუჩა, № 15.

ქალაქ თფილისში

გამოდის უოველ-კვირეული იუმორისტული გამოცემა

ახალი მათრახში

ჟურნალის სამხატვრო და სალიტერატურო მხარეს განაგებენ **უშვაკი და თაგუნა**,
ხოლო გამოცემის საქმეს ა. გ. ბუკია.

თანამშრომლები—ალბურონი, ბლიკვაძე, ეშვი, ეშმაკი, თაგუნა, კენტი, კვინწარი, კოლო,
მორიელი, ნაბუქოდონოსორი, ონისიმე, პიტნა, ფონ-ტეფო, ქიქოძე. შ.,
შმერლინგი, ჭიაურელი, ხუმარა და სხვ.

ჟურნალის ფასი 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ 1 თვით 50 კ.

„ახალ მათრახში“ დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები,
არაკები, შარადები, გამოცანები, ნაკვესები და სხვა.

♦ ჟურნალში დაიბეჭდება საერთაშორისო ომის ილიუსტრაციები. ♦

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

Тифлисъ *)

С. Р. Таварткиладзе.
Баронская 15,
Почтов. ящ. № 12.


(ახალი მათრახისათვის)



*) ეს ადგილი კონკრეტულ მარკისთვის არის დანიშნული და გულმავიწყებს ნოვაგონებთ, რომ
♦ უმარკოაწერილებს რედაქცია არ დაიხსნის ♦

ს 9842
1915

„სარწმუნო წყაროები“



დიპლომატი: იტალია გამოვა, არ გამოვა, გამოვა, არ გამოვა, გამოვა, არ გამოვა ...